

Bulteno de la Londona Esperanto-Klubo

londonaesperantoklubo.com

Novembro - Decembro 2024

Kluba programo

Novembro

1. **Klubo fermitaj pro festotago de Ĉiuj Sanktuloj (Mortintoj ktp).**
8. **Lingva seminario pri ĝardenumado.** (Anna Lowenstein) Ĉeesta kunveno en Highbury.
15. **Berlina Kongo-konferenco kaj ĝiaj sekvoj** (Horst Gruner).
22. **Lu Xun: Moderna ĉina verkisto** (HU Shenghao).
29. **Stefan Zweig, Europa verkisto** (Arno Iagrange).



Decembro

6. **Biologiaj mitoj** (Bert de Wit).
13. **Zamenhof-festo - legado de poemoj de Marjorie Boulton** (organizas Gabriel Beecham) Ĉeesta kunveno en Highbury.
20. **"La forlasita virino" kun komentoj de la reĝisoro** (Dankon Kwibe)
27. **Klubo fermitaj pro Kristnasko**



Lokoj, horaroj kaj aliaj informoj

LEK kutime kunvenas vendredvespere. La duan vendredon de ĉiu monato la kunvenoj estas surlokaj kaj okazas en nia renkontiĝejo en Highbury. La renkontiĝoj komenciĝas je la 19.15h (UTC+1). Aliaj surlokaj kunvenoj okazas de tempo al tempo kaj por scii pli pri tiuj, bv. viziti la paĝon 'events' ĉe nia retejo. La ceteraj vendredaj kunvenoj okazas kutime en la interreto per la sistemo Zoom, kun komenc-horo je la 19h (UTC+1). Ĉiuj klubanoj kaj vizitantoj, proksimaj kaj foraj, povas do ankoraŭ havi la eblon partopreni en la kluba vivo.

Novaj spektuntoj de la interretaj kunvenoj povas peti ligilon al la proksim-vendreda Zoom-renkontiĝo en tiu ĉi paĝo: londonaesperantoklubo.com/zoom.html.

Haveblas ankaŭ, ĉe Jutubo, registraĵoj de prezentoj jam okazintaj. Bonvolu viziti mallonge.net/LEK-jutubo

Pri la stato de nia klubo

Oni ofte aŭdas, ke lokaj esperanto-klubo ne plu utilas post invento de la reto, ke ili estas restaĵo de la pasinta jarcento, kiam ankaŭ la politikaj partioj konsistis el serioj de lokaj unuoj, kie oni debatis pri politikaj problemoj kaj sendis sian reprezentanton al la regiona kongreso, kiu sendis sian reprezentanton al la landa kongreso. Sed nun post la televido kaj la interreto tiuj lokaj unuoj malaperis kaj nur kelkaj elituloj debatas pri politikaj problemoj en la televido. Alivorte, la demokratio el la bazo supren ne plu ekzistas. Sed kio pri Esperanto. Post la ekesto de retaj kursoj, oni fiere anoncis ke lokaj kursoj ne plu okazos, kaj ke lokaj kunvenoj ne plu necesas, ĉar ĉiu kontaktos ĉiun mondscale, sed tamen nur multaj malgrandaj kluboj en perditaj vilaĝoj emis malaperi. La kluboj en grandaj urboj kaj ĉefe en ĉefurboj vivas kaj prosperas. Eĉ en Moskvo, kie pro granda amo al la Esperanto-kulturo oni renkontiĝas por diskuti kaj kritiki aperintajn verkojn aŭ por aŭdi recitadon de poemoj kaj samtempe te-umi. Certe oni povus trinki teon tute sola antaŭ sia ekrano, sed tio estas io tre malpli plezurdona.

En Budapeŝto kunvenas pli ol unu loka grupo; en Vieno aktivuloj de la loka klubo faris konsiderindan varban agadon ĉe la universitato. Tiom sukcesa ĝi estis ke sekvis debato pri Esperanto en la universitato. Mi povus daŭrigi per Romo, Parizo, Bruselo kaj Pekino.

Sed ni revenu al Londono, glor-plena klubo fondita en 1903 kaj salutita de Zamenhof persone per voĉa mesaĝo en vaksa cilindro, kiu tiam impresis ĉiujn per sia moderneco [vi parolas en Varsovio kaj oni aŭskultas vin en Londono: frenezaĵo, speco de artefarita inteligento de tiu epoko]. En sia pli ol 120-jara ekzisto, ĝi organizis Universalajn Kongresojn, eldonis verkojn legatajn en la tuta mondo. Mi nun pensas pri la londona Biblio. Ĝi, krome, estis la klubo de kelkaj prezidantoj de UEA, sed ĝia plej alta punkto, laŭ mi, estis kiam ĝi insistis kunveni dum la bombado de Londono dum la dua mondmilito. Se vi havas okazon, legu en la historio de nia klubo pri la problemoj reveni hejmen post la klub-kunveno pro la amaso da rifuĝintoj en la subteraj stacioj de la subtera urba fervojo.

Kaj nun ĝi reinventis sin, adaptiĝis al la modernaj tempoj kaj dum la pandemio komencis eksperimenti retan instruadon, kiu intertempe vastiĝis kaj ampleksas lernantojn de Ĉinujo al Usono. Ĉiam dum tiu periodo de la pandemio, ĝi reinventis siajn ĉiu-semajnajn prelegojn kaj kunlabore kun la klubo de Antverpeno, kiu ankaŭ kunvenas vendrede, lanĉis programojn de retaj prelegoj, en kiuj konataj esperantistoj parolas pri ĉio, ekde la problemoj de forigi rubojn ĝis prezento de la insulo Reunio en Afriko aŭ artefarita inteligento. Post la pandemio ni ankaŭ reprenis niajn ĉeestajn kunvenojn kaj niaj tradiciaj momentoj, kiaj estas la zamenhofa vespero, la novjara festo, la komuna vespermanĝo kaj la komuna promeno, kaj nun ni eĉ havas novan bulteniston, kiu komencas sian agadon per ĉi tiu numero de la Bulteno.

Bonan laboron al li kaj dankon al ĉiuj membroj pro la daŭra subteno kaj partopreno!

Via sekretario



70 jaroj da kunlaborado kun Unesko

La 10-an de decembro 1954, je sia ĝenerala konferenco en Urugvajo, Unesko unue oficiale agnoskis Esperanton. Unesko, parto de Uniĝintaj Nacioj, respondecas pri eduko, scienco, kulturo kaj komunikado, asertis ke la Esperanto-Movado “respondas al la celoj kaj idealoj de Unesko”.

Sukceson de tiu rezolucio rezultigis longa laboro de UEA, kiu faris petskribon al UN, subskribitan de preskau 900.000 homoj, kaj ankaŭ de preskau 500 organizaĵoj, reprezentantaj pli ol 15 milionoj de anoj.

La 70-a datreveno de la rezolucio de Montevideo estas bona okazo por rememori la historion kaj la signifon de tiu dokumento, kiu reprezentas la komunan celon kaj idealon fare de Unesko kaj Esperanto: konstrui paco en la mondo per kulturo, edukado kaj scienco. Tion ni festas la 10-an de decembro 2024 en Montevideo en la Parlamenta Palaco, kie okazis la Ĝenerala Asembleo en 1954.

Urugvaja Esperanto-Societo, UEA, TEJO kaj ILEI.

Pri ĉi tiu Bulteno

Ekde ĉi tiu numero, Rico donas al mi, Phil, respondecon pri kompili la bultenon. Unue, mi danku al li pro lia laboro, sed due mi havas ideojn por kelkaj ŝanĝoj. Ĉi-foje, mi provas nur komencon de iomete nova dizajno, sed pleje mi ŝatus havi pli da enhavo, do bonvolu sugesti ion - kaj se vi pretas ankaŭ verki ĝin, mi preskau certe akceptos. Se mi havos sufiĉon, mi etendos la bultenon por teni ĝin.

Mi kreos spacon por kelkaj mallongaj informadoj pri esperantaj eventoj aŭ kongresoj, do bonvolu menci i se vi scias pri io. Sed ankaŭ mi ŝatas ĉiu-numere havi almenaŭ unu pli longan tekston, kun granda bildo. Tio povus esti, por ekzemplo, informo pri io loka en Londono, tiel ke ni certe povos havi ankaŭ belan foton de ĝi.

Kaj nature mi akceptus rakontojn, ĉar mi ĉiam ŝatas rakontojn! Kontaktu min per la retpoŝt-listo, aŭ per la retejo.

Ĉeestaj renkontiĝoj

En novembro, la klubo kunvenos ĉeeste por lingva seminario. Ĉi-foje gvidos Anna Lowenstein, pri terminoj rilataj al ĝardenumado. Ni diskutos vortojn pri plantoj, kaj ankaŭ iloj kaj agoj, kaj espereble ni lernos pli bone esprimi ideojn pri tre utila konversaci-temo.

Je decembro 13 ni festos Zamenhof-tagon, kaj laŭ tradicio ni enmetos nin profunde en Esperanto-kulturon. Ĉijare ni legos poeziaĵojn de Marjorie Boulton (aŭtoro de la bonega "Okuloj", inter multaj aliaj verkoj.) Gabriel gvidos la vesperon, sed plej grave la evento estos socia, por ĉiu klubano.

LEK en la interreto

Retejo: londonaesperantoklubo.com/

Estontaj eventoj (reteje): londonaesperantoklubo.com/eventoj.html

Eventa Servo: eventaservo.org/o/LEK

Fejsbuko: www.facebook.com/groups/londonaesperantoklubo

Telegramo: t.me/+jgGKYWSkGOhODE0

Nia renkontiĝejo

La surlokaj kunvenoj de LEK okazas unu fojon monate, kutime la 2-an vendredon de ĉiu monato. La venonta kunveno okazos la 8-an de novembro. La kunvenejo troviĝas ĉe:


Highbury View
89 Ronalds Road
London, N5 1XQ

Mapo: goo.gl/maps/jNtGf5AcG68ogPrq6

Por ĝisdatigitaj informoj pri kiel atingi Highbury View, oni povas ankaŭ konsulti la retejon de TFL ĉe tfl.gov.uk/plan-a-journey

La ejo estas facile atingebla de la metrostacio Highbury & Islington. Temas pri pli-malpli 10-minuta piedirado.

Atentu, ke **por eniri la ejon, oni bezonas enirkodon**. Se vi ne konas ĝin kaj intencas ĉeesti, bv. kontakti la sekretarion per retmesaĝo al renato.corsetti@gmx.com por havi la kodon.



Londona Esperanto-klubo

Funkciuloj

Honora Prezidanto: Prof. John Wells; Honoraj Vicprezidantoj: Heleno Fantom, Joyce Bunting.

Matt Peperell (prezidanto); Gabriel Beecham (vicprezidanto); Arturo Prent (kasisto); Renato Corsetti (sekretario), Anthony Bodineau (komitatano kaj registristo); Phil Housley, Alexander Hu, Julian Nagele, Maria Schett, Marijus Banaitis (komitatanoj).

Phil Housley kompilas la Bultenon.